




Cymun Bendigaidd ar Gân


Chweched Sul y Pasg

14 Mai 2023 am 9.15am




**Cadeirlan
Deiniol Sant
ym Mangor**

Saint Deiniol's
Cathedral
in Bangor



Croeso i Gadeirlan Deiniol Sant ym Mangor.



Rydych chi'n sefyll rwan
lle safodd Deiniol bron i
fileniwm a hanner yn ôl.

Yma, yn y flwyddyn
525, bu iddo gynnwll o'i
gwmpas gymuned lawn
ffydd, gobaith a chariad,
gan godi o'i chwmpas
ffens gyll—y **bangor**
gwreiddiol—iddi'n gysgod
ac yn noddfa.

Ein gweddi yw y cewch
chwithau, hefyd, eich
cofleidio yma gan yr un
ffydd, gobaith a chariad
a gyhoeddir gennym
heddiw ac sy'n ein
cyfareddu o hyd.

Yn Cymun hwn...

Yn y Cymun hwn byddwn yn cwrdd â
Christ mewn bara a gwin, ei Gorff a'i
Waed ef gyda ni.

1 Wrth inni ymgynnull, byddwn
yn paratoi ein hunain i gwrdd â
Christ trwy gyffesu ein pechodau
— y ffyrdd yr ydym wedi galaru Duw
yn ein bywydau — ac yn derbyn
gollyngdod, sef sicrwydd o faddeuant
Duw.

2 Yna rydyn ni'n gwranddo ar
ddarlleniadau o'r Beibl, gan
ganfod yno arweiniad, her,
cysur a newydd da gan Dduw.
Ymatebwn trwy gyhoeddi ein ffydd
yn y Drindod Sanctaidd a chynnig i
Dduw ein gweddi dros bawb mewn
angen.

3 Yn galon i'n haddoliad heddiw,
byddwn yn cymryd bara a gwin,
byddwn yn gofyn am fendith
gweddnewidiol Duw arnynt, yn torri'r
bara, ac — fel aelodau o Gorff toredig,
trwsiedig Crist — byddwn yn Cymuno.

4 Daw ein haddoliad i ben wrth
inni dderbyn bendith Duw, yn
gynhaliaeth inni wrth ymadael.

Waeth pa mor bell yn ôl y
gwnaethoch hynny ddiwethaf, mae
croeso i chi Gymuno yma heddiw. Os
hoffech chi Gymuno am y tro cyntaf,
neu gael eich Bedyddio, siaradwch ag
aelod o dîm yr Gadeirlan.

Ceir ffydd, gobaith a chariad yma i
bawb.

Addoli gyda ni heddiw

Mae'r llyfryn hwn yn cynnwys popeth a ddywedir ac a genir yn ystod ein haddoliad heddiw. Fe'ch gwahoddir i fynd â'r llyfryn adref gyda chi, i fyfyrion yn eich amser eich hun ar y geiriau sanctaidd sydd ynddo. Fodd bynnag, nid darllen neu arsylwi ydi addoli – ond gweithgaredd, a ninnau'n cymryd rhan, ochr yn ochr â'r rhai sy'n cynnull gyda ni ac, y tu hwnt i hynny, ochr yn ochr â llur' nef i gyd. Dyrchefwch, felly, eich llygaid; sylwch ar liw, golau, sain, symudiad a harddwch; codwch eich llais; cyfranogwch yn yr hyn a fydd yn eich gweddnewid, o roi iddo'r cyfle.

Yn ystod ein haddoliad, rydyn ni'n dweud ac yn canu gyda'n gilydd y testun **mewn teip trwm**. Darperir cyfieithiadau o ieithoedd tramor. Mae croeso ichi wneud arwydd o'r Groes pan fydd y geiriau wedi'u marcio ag ✕. Cynigir cyfarwyddiadau eraill (rhuddellau) **mewn teip coch**; os ydych chi'n ei chael hi'n fwy cyfforddus, eisteddwch yn hytrach na sefyll neu benlinio.

Hygyrchedd

Mae dolen glyw ar waith – gosodwch gymhorthion clyw i'r lleoliad T.

Mae copiâu print bras o'r llyfryn hwn ar gael gan y stiwardiaid.

Os oes angen waffer heb glwten arnoch (yn cydymffurfio â'r gofyniad canonaidd am 20 rhan o glwten fesul miliwn), rhowch wybod i stiward.

Mae tai bach ym mhen dwyreiniol y Gadeirlan, trwy'r drws i'r chwith o'r sgrin y Cwîr.

Os bydd angen i ni adael y Gadeirlan mewn argyfwng, arhoswch ar eich heistedd a dilynwch gyfarwyddiadau'r stiwardiaid.

Plant a theuluoedd ifanc

Ceir gweithgareddau a chrefftau yn ystod y Cymun Bendigaid ar Gân bob dydd Sul yng Nghapel Mair, ar gyfer unrhyw blant hyd at 11 oed. Mae'r crefftau a'r gweithgareddau yn amrywiol, gydag o leiaf un yn ymwneud â themau'r Cymun ei hun. Caiff y gofod hwn yn cael ei staffio gan oedolion cyfrifol, a bydd plant dros 5 oed yn gallu mynd a dod. Bydd plant yn parhau i fod yn gyfrifoldeb eu rhieni neu eu gwarcheidwaid bob amser. Yn y lle cyntaf, dylai plant sy'n 4 oed ac iau fod yng nghwmni rhiant neu warcheidwad oni bai bod trefniant ymlaen llaw gyda'r rhai ar ddyletswydd wedi'i wneud.

O'r Ddarllenfa a Buchedd Bangor

Pob wythnos, anfonir ebost **O'r Ddarllenfa** at danysgrifwyr gyda hysbysiadau ynghyd â delweddau wythnosol o fywyd y Gadeirlan a'r Ardal Weinidogaeth. Os nad ydych chi eisoes yn danysgrifiwr, dilynwch y cod QR, neu ewch i **cadeirlan.eglwysyngnghymru.org.uk/Darllenfa/**

Buchedd Bangor yw ein cylchgrawn rheolaidd, sy'n cynnig cymysgedd o ddefnydd ysbrydol a gwybodaeth ymarferol am ein bywyd ar y cyd. Mynnwch gopi heddiw, neu ddilynwch y cod QR i ddarllen arlein.


Buchedd Bangor



O'r Ddarllenfa From the Lectern



Trefn y gwasanaeth



Wedi'r hysbysiadau, codwn ar ein traed ar ganiad y gloch



Cynnull

Eryn

A musical score for the piece 'Cynnull' by Eryn. The score is written on seven staves in a single system. The key signature has three flats (B-flat, E-flat, A-flat), and the time signature is 3/4. The music is in a simple, melodic style, primarily using quarter and eighth notes, with some rests and ties. The piece concludes with a double bar line at the end of the seventh staff.



Fy, enaid, gogonedda
yr Arglwydd sy'n y nef,
â'th ddoniau oll bendithia
ei enw sanctaidd ef;
mae'n llwyr ddileu dy gamwedd,
mae'n abal i'th iacháu,
dy wared o'th anwiredd
mae'r Duw sy'n trugarhau.

Yn eiddot mae bendithion
di-drai yr uchel lôr,
tangnefedd fel yr afon,
cyfiawnder fel y môr:
daw rhiniol nerth y nefoedd
i gadarnhau dy ffydd,
a grym Cynhaliwr oesoedd
i'th ddal o ddydd i ddydd.

Cei ras i gario croesau
a dal dy lesgedd dwys;
pan fyddi yn dy ofnau
bydd ef yn dal y pwys:
a phan ddaw dydd dy symud
o'th babel ar y llawr
cei aros mwy yng ngwynfyd
ei dragwyddoldeb mawr.

Geiriau
William Rhys Nicholas (1914-1996)
Cerddoriaeth | "Penlan"
David Jenkins (1848-1915)

Parhawn ar ein traed tan ddiwedd y Weddi Gasgl

Cyfarchiad

✠ Yn enw'r Tad, a'r Mab, a'r Ysbryd Glân.
Amen.

Gras a thangnefedd a fo gyda chwi.
A'th gadw di yng nghariad Crist.

Haleliwia! Atgyfododd Crist.
Atgyfododd yn wir. Haleliwia!

“Try llygaid pawb mewn gobaith atat ti, ac fe roi iddynt eu bwyd yn ei bryd.”

Cyffes

Gan gynnull i ddathlu'r Cymun Bendigaid er gogoniant i Dduw, ymbaratown gan gyffesu ein pechodau,

ni sydd angen gras dolurus, iachus Duw i'n gwneud yn gyfan;

ni sydd angen cariad dadlennol, darbwylol Duw i buro ein hanghyfiawnder;

ni sydd angen presenoldeb bywiol, gwaredol Duw i drigo ynom a'n rhyddhau.

Dad nefol,

**yr ydym wedi pechu ar feddwl, gair a gweithred,
a heb wneud yr hyn a ddylem.**

**Mae'n wir ddrwg gennym,
ac yr ydym o ddifrif yn edifarhau.**

**Er mwyn dy Fab Iesu Grist a fu farw drosom,
maddeua inni'r cwbl a aeth heibio**

**ac arwain ni yn ei ffordd ef
i gerdded fel plant y goleuni.**

Amen.

Yr hollalluog Dduw a drugarhao wrthych,

✠ maddau ichwi a'ch rhyddhau o bechod,
a'ch cadw yn y bywyd tragwyddol.

Amen.

Parhawn ar ein traed

Gloria in Excelsis Deo

Gogoniant yn y goruchaf i Dduw. Ac ar y ddaear tangnefedd i'r rhai sydd wrth ei fodd. Moliannwn di, bendithiwn di, addolwn di, gogoneddwn di, diolchwn i ti am dy fawr ogoniant. Arglwydd Dduw, Frenin nefol, Dduw Dad Hollalluog. O Arglwydd, yr Unig Fab, Iesu Grist; O Arglwydd Dduw, Oen Duw, Fab y Tad, sy'n dwyn ymaith bechod y byd, trugarha wrthym; tydi sy'n eistedd ar ddeheulaw Duw Dad, derbyn ein gweddi. Oherwydd ti yn unig sy'n Sanctaidd; ti yn unig yw'r Arglwydd; ti yn unig, O Grist, gyda'r Ysbryd Glân, sydd Oruchaf yng ngogoniant Duw Dad. Amen.

Cerddoriaeth

Offeren Glyn Rhosyn, Meirion Wynn Jones

Parhawn ar ein traed

Gweddi Gasgl

Gweddiwn.

Hollalluog a thragwyddol Dduw, yr wyt bob amser yn barotach i wrando na ni i weddiö, ac yn arfer rhoi mwy nag yr ydym yn ei ddeisyf na'i haeddu: tywallt arnom amllder dy drugaredd, gan faddau inni'r pethau y mae ein cydwybod yn eu hofni, a rhoi inni'r pethau daionus hynny nad ydym yn deilwng i'w gofyn, ond trwy haeddiannau a chyfryngdod Iesu Grist ein Gwardedwr Atgyfodedig.

Amen.

Eisteddwn

Gair

Salmyddiaeth



∇ Llygaid pawb sy'n disgwyl wrthyt, gennyt cânt eu bwyd mewn pryd.

R Llygaid pawb sy'n disgwyl wrthyt, gennyt cânt eu bwyd mewn pryd.

Try llygaid pawb mewn gobaith atat ti, ac fe roi iddynt eu bwyd yn ei bryd.

Y mae dy law yn agored, ac yr wyt yn diwallu popeth byw yn ôl d'ewyllys.

R Llygaid pawb sy'n disgwyl wrthyt, gennyt cânt eu bwyd mewn pryd.

Yr wyt yn gyfiawn yn dy ffyrdd ac yn ffyddlon yn dy holl weithredoedd.

Yr wyt yn agos at bawb sy'n galw arnat, at bawb sy'n galw arnat mewn gwirionedd.

R Llygaid pawb sy'n disgwyl wrthyt, gennyt cânt eu bwyd mewn pryd.

Gwnei ddymuniad y rhai sy'n dy ofni; gwrendy ar ein cri, a'n gwared ni.

Gofeli ti am bawb sy'n dy garu, ond yr wyt yn distrywio'r holl rai drygionus.

Llefara fy ngenau foliant ti, a bydd pob creadur yn bendithio'th enw sanctaidd byth bythoedd.

R Llygaid pawb sy'n disgwyl wrthyt, gennyt cânt eu bwyd mewn pryd.

Salm 145:15-21
Cerddoriaeth
Simon Ogdon

Darlleniad

Darlleniad o Lyfr y Proffwyd Hosea.

Dewch: Dychwelwn drachefn at y Sanctaidd Un; fe'n drylliodd, ac fe'n hiachâ; fe'n trawodd, ac fe'n meddyginiaetha. Fe'n hadfywia ar ôl deuddydd, a'n codi ar y trydydd dydd, inni fyw ym mhresenoldeb Duw. Gadewch inni adnabod, ymdrechu i adnabod, y Sanctaidd Un; y mae dyfodiad y Bythol Un mor sicr â'r wawr; daw'r Bywiol Un fel glaw atom, fel glaw gwanwyn sy'n dyfrhau'r ddaear.

Clywch air bywyd i'n byd.

Diolch a fo i Dduw.

Hosea 6:1-3

Codwn ar ein traed, gan droi i wynebu Llyfr yr Efengylau yng Nghorff yr Eglwys

Efengyl



☩ Haleliwia. Haleliwia. Haleliwia. **R** Haleliwia. **Haleliwia.**
Haleliwia. ☩ Daw'r Bywiol Un fel glaw atom, fel glaw gwanwyn
sy'n dyfrhau'r ddaear. **R** **Haleliwia. Haleliwia. Haleliwia.**
☩ Y mae'r Tad ei hun yn eich caru chwi, am i chwi fy ngharu
i a chredu fy mod i wedi dod oddi wrth Dduw. **R** **Haleliwia.**
Haleliwia. Haleliwia.

Gras a thangnefedd a fo gyda chwi.

A'th gadw di yng nghariad Crist.

Gwrandewch yr Efengyl Sanctaidd yn ôl ✕ Sant Ioan.

Gogoniant i ti, O Grist.

Bryd hynny: Meddai Iesu wrth ei ddisgyblion: “Yn wir, rwy’n dweud wrthyh, beth bynnag a ofynnwch gan y Tad yn fy enw i, bydd ef yn ei roi ichwi. Hyd yn hyn nid ydych wedi gofyn dim yn fy enw i. Gofynnwch, ac fe gewch, ac felly bydd eich llawenydd yn gyflawn. Yr wyf wedi dweud y pethau hyn wrthyh ar ddamhegion. Y mae amser yn dod pan na fyddaf yn siarad wrthyh ar ddamhegion ddim mwy, ond yn llefaru wrthyh yn gwbl eglur am y Tad. Yn y dydd hwnnw, byddwch yn gofyn yn fy enw i. Nid wyf yn dweud wrthyh y byddaf fi’n gweddio ar y Tad drosoch chwi, oherwydd y mae’r Tad ei hun yn eich caru chwi, am i chwi fy ngharu i a chredu fy mod i wedi dod oddi wrth Dduw. Deuthum oddi wrth y Tad, ac yr wyf wedi dod i’r byd; bellach yr wyf yn gadael y byd eto ac yn mynd at y Tad.” Meddai ei ddisgyblion ef, “Dyma ti yn awr yn siarad yn gwbl eglur; nid ar ddameg yr wyt yn llefaru mwyach. Yn awr fe wyddom dy fod yn gwybod pob peth, ac nad oes arnat angen i neb dy holi. Dyna pam yr ydym yn credu dy fod wedi dod oddi wrth Dduw.” Atebodd Iesu hwy, “A ydych yn credu yn awr? Edrychwch, y mae amser yn dod, yn wir y mae wedi dod, pan gewch eich gwasgaru bob un i’w le ei hun, a’ m gadael i ar fy mhen fy hun. Ac eto, nid wyf ar fy mhen fy hun, oherwydd y mae’r Tad gyda mi. Yr wyf wedi dweud hyn wrthyh er mwyn i chwi, ynof fi, gael tangnefedd. Yn y byd fe gewch orthrymder, ond codwch eich calon, yr wyf fi wedi gorchfygu’r byd.”

Dyma Efengyl ein Gwardedwr.

Moliant i ti, O Grist.

Ioan 16:23-33

Eisteddwn ar gychwyn y bregeth

Pregeth yn y gyfres “Cristnogaeth a...”

Cristnogaeth a seicotherapi

Mae ffydd, gobaiht a chariad yn wirioneddau tragwyddol ac yn rinweddau bythol; ac y mae gwreiddiau ein crefydd yn ddwfn ac yn hynafol, fel seiliau eglwysi ein hesgobaeth a’u cysylltiad byw â Seintiau Celtaidd y canrifoedd cynnar. Ond fe’n gelwir hefyd i argyhoeddiad byw, ac i ddeall ffyrdd ffydd, gobaiht a chariad yn ein bywydau ac er mwyn ein teuluoedd, ein ffrindiau a’n cymunedau heddiw. Daw pregethau’n cyfres â’n hargyhoeddiadau crefyddol wyneb yn wyneb â chwestiynau byw a phynciau cyfoes, a’r sbarc yn y cyfarchiad.

Yr Is-Ddeon

Credo

Ar y cyd, gadewch inni gadarnhau ein ffydd.

**Yr wyf yn credu ac yn ymddiried yn Nuw Dad,
a greodd bopeth sydd.**

**Yr wyf yn credu ac yn ymddiried yn ei Fab Iesu Grist,
a brynodd ddynolryw.**

**Yr wyf yn credu ac yn ymddiried yn ei Ysbryd Glân,
sy'n rhoi bywyd i bobl Dduw.**

**Yr wyf yn credu ac yn ymddiried yn un Duw,
✠ Dad, Mab ac Ysbryd Glân.
Amen.**

Ymbiliau

Gyda'n holl galon a'n holl feddwl gweddiwn ar Dduw.

Eisteddwn neu benliniwn

Defnyddiwn yr ymatebion

℣ O Dduw, yn dy drugaredd,
℞ **Gwranddo ein gweddi.**

℣ Gorffwys tragwyddol dyro iddynt, O Dduw.
℞ **A llewyrched goleuni gwastadol arnynt.**
℣ ✠ Gorffwysed hwy mewn tangnefedd.
℞ **A chyfodi mewn gogoniant.**

℣ Dad trugarog,
℞ **Derbyn y gweddiau hyn
er mwyn dy Fab, ein Gwardwr Iesu Grist.
Amen.**

Codwn ar ein traed, a gwneir Casgliad yn ystod yr emyn

Cymun

Eryn

The image shows a musical score for the song 'Cymun' by Eryn. It consists of six staves of music, all in treble clef with a key signature of one sharp (F#) and a 3/4 time signature. The melody is written on the first staff, and the accompaniment is written on the remaining five staves. The music features a mix of quarter, eighth, and sixteenth notes, with some rests and ties. The piece concludes with a double bar line.

Mewn anialwch rwyf yn trigo,
temptasiynau ar bob llaw,
heddiw, tanllyd saethau yma,
'fory, tanllyd saethau draw;
minnau'n gorfod aros yno
yn y canol, rhwng y tân;
tyrd, fy Nuw, a gwêl f'amgylchiad,
yn dy allu tyrd ymlaen.

Marchog, Iesu, yn llwyddiannus,
gwisg dy gleddau 'ngwasg dy glun;
ni all daear d'wrthwynebu
chwaith nac uffern fawr ei hun:
mae dy enw mor ardderchog,
pob rhyw elyn gilia draw;
mae dy arswyd drwy y Cread,
tyrd am hynny maes o law.

**Tyn fy enaid o'i gaethiwed,
gwawried bellach fore ddydd,
rhywga'n chwilfriw ddorau Babel,
tyn y barrau heyrn yn rhydd;
gwthied caethion yn finteioedd
allan, megis tonnau llif,
torf a thorf, dan orfoleddu,
heb na diwedd fyth na rhif.**

Geiriau

William Williams, Pantycelyn (1717-1791)

Cerddoriaeth | "Hyfrydol"

Rowland Huw Prichard (1811-1887)

Parhawn ar ein traed tan y rhannwn y Tangnefedd

Offrwm

Deuwn i'r fangre hon â'r bara sy'n gynhaliaeth.

Fe ddaw inni'n fara'r bywyd.

Deuwn i'r fangre hon â'r gwin sy'n mwyneiddio.

Fe ddaw inni'n waed einioes y byd.

Gweddi Ewcharistaidd

Gras a thangnefedd a fo gyda chwi.

A'th gadw di yng nghariad Crist.

Dyrchefwch eich calonau.

Yr ydym yn eu dyrchafu at yr Arglwydd.

Diolchwn i'r Arglwydd ein Duw.

lawn yw rhoi ein diolch a'n clod.

lawn yn wir, ein dyletswydd a'n llawenydd bob amser ac ym mhob lle, yw diolch i ti, Dad Sanctaidd, hollalluog a bythfywiol Dduw, trwy Iesu Grist ein Harglwydd.

Ef yw'r gwir Oen Pasg a aberthwyd drosom ac a gymerodd ymaith bechod y byd. Trwy ei angau dinistriodd angau, a thrwy ei atgyfodiad fe adferodd i ni fywyd tragwyddol.

Felly, gyda llu'r angylion a holl gwmpeini'r nef, cyhoeddwn ogoniant dy enw ac ymuno â hwy yn eu hemyn diderfyn o fawl:

Sanctaidd, sanctaidd, sanctaidd Arglwydd, Duw gallu a nerth, nef a daear sy'n llawn o'th ogoniant. Hosanna yn y goruchaf.

✠ Bendigedig yw'r hwn sy'n dyfod yn enw'r Arglwydd. Hosanna yn y goruchaf.

Cerddoriaeth

Offeren Glyn Rhosyn, Meirion Wynn Jones

Parhawn ar ein traed

Pob moliant a diolch i ti, y gwir a'r bywiol Dduw, Crëwr pob peth, Rhoddwr bywyd. Lluniaist ni ar dy ddelw dy hun, ond yr ydym ni wedi difwyno'r ddelw honno a syrthio'n brin o'th ogoniant. Rhoddwn ddiolch i ti am anfon dy Fab i rannu ein bywyd ni; fe'i hildiaist i farwolaeth fel y câi'r byd ei achub, a'i atgyfodi oddi wrth y meirw fel y bo i ni fyw ynddo ef, ac yntau ynom ninnau.

Sancteiddia â'th Ysbryd y bara hwn a'r gwin hwn, dy roddion inni, fel y bônt i ni yn gorff a gwaed ein Hiachawdwr, Iesu Grist.

Y nos y bradychwyd ef, cymerodd fara ac, wedi rhoi diolch, fe'i torrodd a'i roi i'w ddisgyblion, gan ddweud, Cymerwch, bwytwch; hwn yw fy nghorff a roddir drosoch: gwnewch hyn er cof amdanaf. ✠

Yr un modd ar ôl swper cymerodd y cwpan, ac, wedi rhoi diolch, fe'i rhoddodd iddynt, gan ddweud, Yfwch o hwn bawb, oherwydd hwn yw fy ngwaed o'r cyfamod newydd a dywelltir drosoch a thros lawer er maddeuant pechodau: gwnewch hyn bob tro yr yfwch ef er cof amdanaf. ✠

Gadewch inni gyhoeddi dirgeledd y ffydd:

Bu farw Crist.

Atgyfododd Crist.

Daw Crist mewn gogoniant.

Fel y gorchmynnodd ef inni, O Dad, yr ydym yn cofio Iesu Grist, dy Fab. Gan gyhoeddi ei farwolaeth fuddugoliaethus, a chan ymlawenhau yn ei atgyfodiad, a disgwyl iddo ddod mewn gogoniant, deunw â'r bara hwn a'r cwpan hwn i ti. Derbyn ein haberth o ddiolch a moliant.

Adfer ac adfywia dy holl bobl, adnewyddu ni a phawb y gweddiwn trostynt â'th ras a'th ✠ fendith nefol a derbyn ni yn y diwedd gyda'th holl saint i'r llawenydd diderfyn hwnnw a addawyd inni gan dy Fab, ein Harglwydd Iesu Grist.

Trwyddo ef, gydag ef, ynddo ef, yn undod yr Ysbryd Glân, eiddot ti, Dad hollalluog, yw pob anrhydedd a gogoniant, yn oes oesoedd.

✠ **Amen.**

Parhawn ar ein traed

Gweddi'r Arglwydd

Fel y dysgodd ein Hiachawdwr ni, gweddiwn yn hyderus:

Ein Tad, yr hwn wyt yn y nefoedd, sancteiddier dy enw, deled dy deyrnas, gwneler dy ewyllys; megis yn y nef, felly ar y ddaear hefyd. Dyro i ni heddiw ein bara beunyddiol a maddau i ni ein dyledion, fel y maddeuwn ninnau i'n dyledwyr. Ac nac arwain ni i brofedigaeth; eithr gwared ni rhag drwg. Canys eiddot ti yw'r deyrnas, a'r gallu, a'r gogoniant, yn oes oesoedd. **Amen.**

Tangnefedd

Dy gorff atgyfodedig yn ein plith adwaenir yn nhorriad y bara; dy glwyfau gogoneddus, o ba le y llifodd gwaed, yn nodau dy gariad; dy eiriau inni o dangnefedd yn gryfach nag angau.

Tangnefedd y Bythol Dduw a fo gyda chwi bob amser.

A'th gadw di yng nghariad Crist.

Rhannwn arwydd o Dangnefedd.

Rhannwn arwydd o Dangnefedd; yna penliniwn neu eisteddwn

Torri

Oen Duw, sy'n dwyn ymaith bechodau'r byd: trugarha wrthym.
Oen Duw, sy'n dwyn ymaith bechodau'r byd: trugarha wrthym.
Oen Duw, sy'n dwyn ymaith bechodau'r byd: dyro inni dangnefedd.

Cerddoriaeth

Offeren Glyn Rhosyn, Meirion Wynn Jones

Cymuno

✠ Haleliwia. Crist, ein Pasg, a aberthwyd drosom.

Felly, boed inni ddathlu'r wyl. Haleliwia.

Deuwn i Gymuno, gan ddilyn cyfarwyddyd y Stiwardiaid, o'r Afrlladen Sagrafennol ac, os y dymunwn, o'r Gwerthfawr Waed

Motét

Llonna, O Arglwydd, enaid dy was; cans atat ti y dyrchafaf fy enaid.

Geiriau

Salm 86:4

Cerddoriaeth

William Crotch (1775-1847)

Ar ôl i bawb Gymuno, safwn i ganu'r emyn

Emyn



Rhyfeddol a rhyfeddol
erioed yw cariad Duw:
ei hyd, ei led, ei ddyfnder,
rhyw fôr diwaelod yw;
a'i uchder annherfynol
sydd uwch y nefoedd lân,
Hosanna, Haleliwia!
fy enaid, weithian cân.

**Rhyfeddol a rhyfeddol:
fe wawriodd bore ddydd,
daeth carcharorion allan
o’u holl gadwyni’n rhydd:
fe gododd heulwen olau,
a’i hyfryd lewyrch glân,
Hosanna, Haleliwia!
fy enaid, weithian cân.**

Geiriau
Dafydd William (1720-1794)
Cerddoriaeth | “Ellacombe”
o “Gesangbuch” (Mainz, 1833)

Parhawn ar ein traed



Ymadael

Gras a thangnefedd a fo gyda chwi.
A’th gadw di yng nghariad Crist.

Bydded i Dduw’r Tad, y cyfodwyd Crist oddi wrth y meirw trwy ei ogoniant, eich cryfhau i rodio gydag ef yn ei fywyd atgyfodedig; a bendith Duw hollalluog, y Tad, ✠ y Mab, a’r Ysbryd Glân, a fo yn eich plith ac a drigo gyda chwi yn wastad.
Amen.


Awn ymaith mewn tangnefedd. Haleliwia. Haleliwia.
Yn Enw Crist. Haleliwia. Haleliwia.

Parhawn ar ein traed hyd nes i’r gweinidogion ymadael; yna eisteddwn neu ymadael

Offrymddarn ar yr organ
Alaw Tiwba | Tuba Tune, Kenneth Gange



Hysbys



Clas

Nos Lun am 6.30pm ar Zoom

Datblygodd yr eglwys Geltaidd ganoloesol sefydliad nodedig, a elwid y clas – cymuned o glerigion yn cydfyw yn golegol o gylch eglwys, ac yn ymledu i bregethu a dysgu ledled ardal eang. Rydym yn benthyca'r term Clas fel teitl ar gyfer fforwm Zoom gyda'r nos, i roi cyfle inni ddysgu, trafod a myfyrio.

Mae dau sesiwn Clas o'n blaen dros y bythefnos nesaf.

15 Mai | Josie Godfrey

Cyfle i gwrdd â'n Curad newydd wrth iddi baratoi i adael Rhydychen a symud i Fangor ar gyfer ei hordeinio i'r Ddiaconiaeth ar 1 Gorffennaf ac i ymuno â theulu'r Gadeirlan a'r Ardal Weinidogaeth.

22 Mai | Deon Llandaf

Mae'r Tra Barchedig Richard Peers yn gyfaill i'r Gadeirlan ers iddo ymuno â ni yn bregethwr gwadd ar Ddygwyl Corpus Christi yn 2022, pan oedd yn Is-Ddeon Cadeirlan Christ Church yn Rhydychen. Ers hynny, mae wedi symud i fod yn Ddeon Llandaf. Byddwn yn siarad ag ef am ei fywyd a'i alwedigaeth, ac am genhadaeth y Gadeirlan y mae bellach yn ei harwain.

ID cyfarfod Zoom yw 857 3402 4520 a'r cod pas yw 606397, a bydd yr ystafell Zoom ar agor o 6.15pm.

Datganiadau Paned

Pob dydd Iau

11.15am am 45 munud

Paned a chacen o 10.45am

18 Mai | Robert Jones | Organ

Bydd Clerc Cabidwl y Gadeirlan ac organydd Eglwys Ein Harglwyddes a Sant Iago yn perfformio cerddoriaeth a ysgrifennwyd ar gyfer yr organ o ddyddiau Bach hyd heddiw.

25 Mai | Alys Bailey-Wood | Telyn

Yn ffefryn yn ein cyfres o ddatganiadau, y bydd yn ei chofio o berfformiadau'r *Ceremony of Carols* gan Britten, mae Alys yn gyn-fyfyriwr ym Mhrifysgol Bangor.

1 Mehefin | Alice Caldwell | Soprano

Mae Alice yn Ysgolhaig y Gân yng Nhôr y Gadeirlan tra'n astudio Sŵoleg yn y Brifysgol. Bydd Alice yn cyflwyno rhaglen sy'n canolbwyntio ar weithiau gan gyfansoddwyr y Baróc.

Brawd Philip Bee, nBBD

Ymestynnwn ein llongyfarchiadau gwresog i Philip Bee, aelod annwyl o gymuned ein Cadeirlan, a gafodd ei arwisgo'n Nofydd ym Metws y Bugail Da, Cymuned Grefyddol Anglicanaidd, y penwythnos hwn mewn gwasanaeth yn Nhreffynnon. Offrymwn iddo sicrwydd ein gweddïau wrth iddo geisio cyflawni ei addunedau a byw'r bywyd ar y cyd.

Cyfarfod Cynulledifaol

Cynhelir ein Cyfarfod Cynulleidfaol nesaf, gyda ffocws ar gyllid y Gadeirlan, nos Iau 6 Gorffennaf am 6.30pm.

Yr wythnos

Heddiw | Today

3.30pm Gosber ar Gân | Choral
Evensong

Ymatebion | Responses, Rose;
Gwasanaeth Hywrol yn C | Evening
Service in C, Kelly; Let the people
praise thee, Mathias

Dydd Llun | Monday

12.30pm Cymun | Eucharist

5.30pm Gosber ar Gân | Choral
Evensong

Dydd Mawrth | Tuesday

9.00am Camau Bach

12.30pm Cymun | Eucharist

5.30pm Gosber ar Gân | Choral
Evensong

Dydd Mercher | Wednesday

12.30pm Cymun | Eucharist

Dydd Iau | Thursday

11.15am Datganiad | Recital

12.30pm Cymun | Eucharist

2.00pm | **Eglwys y Groes** Cymun |
Eucharist

5.30pm Gosber ar Gân | Choral
Evensong

Dydd Gwener | Friday

12.30pm Cymun | Eucharist

Dydd Sadwrn | Saturday

12.30pm Cymun | Eucharist

21 Mai | Difiau'r Dyrchafael May | Ascension Day

8.15am Holy Eucharist

9.15am Cymun Bendigaid ar Gân

Offeren Fer, Palestrina; Ascendit
Deus, Philips

11.00am Choral Holy Eucharist

Mass in G, Schubert; Coelos ascendit
hodie, Stanford

3.30pm Gosber ar Gân | Choral
Evensong

Ymatebion | Responses, Tomkins;
Gwasanaeth Hywrol yn E | Evening
Service in E, Murrill; God is gone up,
Finzi

Ein gweddi

Yn glâf Joy Levine, offeiriad; John
Watkin Jones; John Evans; Lucita
Cross; David Silcock; Dorothy
Cobley; Teresa Speller; Kathy Guy;
John Osbourne; Amy Jerproni; Luke
Southall; Greg Davies; Colin Hillman;
James Charles

A fu farw'n ddiweddar Janice
Moody; Clare Jones; Colin Jones;
Robert Shane Griffiths; Vivian Mary
Barraclough; John Owen; Denise
Thompson; Eleonora Fanfani

Gŵyl goffa Umberto Sicignano (17);
Michael Hall (18)

Diogelu

Mae diogelu plant ac oedolion sydd mewn perygl yn hanfodol, ac rydym wedi ymrwymo i feithrin amgylchedd lle mae pawb yn gallu addoli a chymryd rhan ym mywyd Cadeirlan Deiniol Sant yn ddiogel. Os oes gennych unrhyw bryderon, codwch nhw ar unwaith gydag aelod o dîm y Gadeirlan.

Cynaliadwyedd a chaniatâd

Rydym yn defnyddio papur sydd wedi ei ailgylchu 100% a'i gynhyrchu â charbon deuocsid isel.

Caiff cynifer o'n gwasanaethau'n eu ffrydio ar Facebook, ac mae'r recordiad ar gael wedi hynny ar dudalen Facebook y Gadeirlan. Efallai y bydd ffotograffydd swyddogol ar ddyletswydd. Mae eich presenoldeb yn gyfystyr â'ch caniatâd i gael eich cynnwys mewn unrhyw ffilmio, tynnu lluniau, recordio sain neu ddarlledu. Os nad ydych am i ffotograff ohonoch chi neu blentyn yn eich gofal gael ei ddefnyddio gan y Gadeirlan, siaradwch ag aelod o dîm y Gadeirlan.

Cydnabyddiaethau

Atgynhyrchir deunydd yn y drefn hon o wasanaeth o dan CLL 280874. Mae'r gwasanaeth hwn yn cynnwys rhannau o'r **Drefn ar gyfer y Cymun Bendigaid 2004** hawlfraint © Gwasg yr Eglwys yng Nghymru 2004 Mae'r llithoedd a'r salmyddiaeth Gymraeg yn seiliedig ar **The New Revised Standard Version of the Bible** ac **Y Beibl Cymraeg Newydd: Argraffiad Diwygiedig**. Daw cytgan y salmyddiaeth Gymraeg o Nicander, **Y Psallwyr** (1850) a'r salmyddiaeth Saesneg o **The Saint Helena Breviary** (2019).

Mae delwedd y clawr yn fanylyn o "Delwedd of Eseciel" gan David Bomberg (1890-1957) o gasgliadau'r Tate.

Cadeirlan ac Eglwys Archesgobol

Deiniol Sant ym Mangor

The Cathedral & Metropolitan Church of Saint Deiniol in Bangor

Esgob ac Archesgob Cymru
Y Parchediac Andrew T. G. John
Bishop & Archbishop of Wales
The Most Rev Andrew T. G. John

Is-Ddeon | Sub-Dean
Canon Siôn B. E. Rhys Evans
sionrhys-evans@eglwysyngnghymru.org.uk

Canon dros Fywyd Cynulleidfaol
Canon for Congregational Life
Canon Tracy Jones
tracyjones@eglwysyngnghymru.org.uk

Cyfarwyddwr Cerdd | Director of Music
Joe Cooper
joecooper@eglwysyngnghymru.org.uk

Organydd | Organist
Martin Brown
martinbrown@eglwysyngnghymru.org.uk

Gweinidog Teulu | Family Minister
Naomi Wood
naomiwood@eglwysyngnghymru.org.uk

Clerc y Cabidwl | Chapter Clerk
Robert Jones
robertjones@eglwysyngnghymru.org.uk

Cwstos | Custos
Simon Taylor
simontaylor@eglwysyngnghymru.org.uk

Trysorydd | Treasurer
Kelly Edwards
kellyedwards@eglwysyngnghymru.org.uk

Gweinyddwr Liturgi | Liturgy Administrator
Sam Jones
samjones@eglwysyngnghymru.org.uk

Rheolwr Prosiect Cadwraeth a Datblygu
Conservation & Development Project Manager
Simon Ogdon
simonogdon@eglwysyngnghymru.org.uk

Canon Secundus
Canon David Thomas Morris
davidmorris@eglwysyngnghymru.org.uk

Canon Emeritus | Canon Emeritus
Canon Angela Williams

Aelodau o Goleg Offeiriadol y Gadeirlan
Members of the Cathedral's College of Priests
Y Parchg Ddr | The Revd Dr John Prysor-Jones,
y Tra Pharchg Athro | the Very Revd Prof.
Gordon McPhate, y Parchg | the Revd Peter
Kaye

Darllenydd | Reader
Elma Taylor

Pensaer y Gadeirlan | Cathedral Architect
Simon Malam

Rhif elusen | Charity number 1158340

Cefnogaeth

Caiff y fangre sanctaidd hon llawn ffydd, gobaith a chariad, a phopeth sy'n digwydd yma, ei chynnal gan eich haelioni chi.

1 I roi rhodd ar-lein ar eich ffôn heddiw, sganwch y cod QR isod.

2 Defnyddiwch ein peiriant rhoi digyswilt yng nghefn Corff yr Eglwys i dapio cerdyn neu ffôn.

Trwy roi rhodd, byddwch yn ein helpu i barhau â'n gwaith hanfodol.

